

SCRIPT OF EVENING GOJRI NEWS BULLETIN 24NOV 2025 1700 HRS

ايونينگ گو جري نيوز بليٽن مورخه 24 نومبر 2025

يوه آکا شواني جمون بے محمد سفير تے نصرت چوہدری تیں خبر سَنو۔

HEADLINES

- ۱۔ مرکزی کونلہ وزیر جی کرشن ریڈی نے اج جمون مانہ چونا گا پتھر غی معدنی بلاک غی پہلی نیلامی غی قیادت کی۔
- ۲۔ لیفٹیننٹ گورنر منوج سنہا نے جمون کشمیر پولیس کمانڈو تربیتی مرکز سنجواں جمون غو دورو لایو۔
- ۳۔ آئی آئی ٹی ایف 2025 مانہ جمون کشمیر تہاڑو مانیو گیو اس موقع ور ثقافت، ورثہ تے کاروباری جذبہ نانہہ اُجاگر کیو گیو۔
- ۴۔ وائبرینٹ ولیج پروگرام دو غے تحت 124 سرحدی گراياں غی ترقی کی جارہی بے۔
- ۵۔ ٹرانسپورٹ سیکرٹری نے ہدایت دتی بے جے پُرانی گڈیاں نانہہ ختم کرن غی نویں پالیسی بارے لوکاں نانہہ زیادہ تیں زیادہ آگاہ کیو جے۔

JK LIMESTONES

جمون مانہہ اج پہلی واری لائم اسٹون یعنی چونا پتھر غا معدنی بلاکس غی نیلامی کی گئی بے اس پروگرام غی سربراہی کونلہ وزیر جی کرشن ریڈی کریں غا جد کہ وزیر اعلیٰ عمر عبداللہ تے نائب وزیر اعلیٰ سریندر چودھری وی موجود تھا۔ وزارت معدنیات نے کہیو کہ یوہ قدم مرکز تے ریاست غا مضبوط تعاون غی نشانی بے 2015 غی مائنگ اصلاحات تیں بعد یاہ جمون کشمیر مانہہ پہلی بیلامی بے اس مانہہ ست لائم اسٹون غا بلاک رکھیا گیا ہیں جہیڑا تقریباً 314 ہیکٹر ور مشتمل ہیں تے یہ اننت ناگ، راجوری تے پونچھ مانہہ واقع ہیں۔ یوہ علاقو اعلیٰ معیار غا لائم سٹون تیں بھرپور ہیں جہیڑو سیمنٹ بنان تعمیرات تے دوجی صنعتاں واسطے بہت اہم بے۔ اس موقع ور بولتا واں وزیر اعلیٰ عمر عبداللہ نے اس طرح کہیو۔

LG CTC VISIT

لیفٹیننٹ گورنر منوج سنہا نے اج کشمیر پولیس گا کمانڈو ترقی مرکز سنجواں جمون گو دورو لاغے بکھ بکھ تربیتی پروگراماں غی عمل آوری غو جائیزو ليو اس موقعور انہاں نے زیر تربیت جواناں سنگ وی گل بات کی تے ایل جی موصوف نانہہ آپریشنل تیاریاں تے دہشت گردی سنگ نمڑن غی تیاریاں بارے وی تفصیلاً دسیو گیو اس دورہ غے دوران اُن غے ہمراہ جمون کشمیر پولیس گا ڈی جی پی نلین پرہات پولیس گا دیگر سنیر افسر تے سیول انتظامیہ گا افسر وی موجود تھا۔

J&K DAY IITF

واں بھارت غو عالمی تجارتی میلو 2025 مانہہ جمون کشمیر پولین مانہہ جمون 44 کشمیر غو ریاستی دن جوش و خروش سنگ مانیو گیو۔ اس موقع ور معزز مہمان تے ثقافتی پروگراماں نے تقریب نانہہ مزید خوش گوار بنایو۔ تقریب غے دوران جے کے ٹی

پی او غا منیجنگ ڈائریکٹر سودرشن کمار نے جموں کشمیر غا ثقافتی تے معاشی خوبصورتی نانہہ اُجاگر کیو تے کاریگراں تے کاروباریاں غی بہترین خدمات نانہہ سہرایو۔

HERITAGE WALK

ثقافتی ورثہ ہفتہ بنان گا سلسلہ مانہہ محکمہ سیاحت جموں ضلع انتظامیہ جموں غی سنجیالی سنگ اک ثقافتی پہل قدمی گو انعقاد کر رہیو ہے اس چہل قدمی گو آغاز پہلک سویرے 9 بجے تاریخی مقام مبارک منڈی کمپلیکس تیں امر محل پبلس توڑی کیو جے غو جس مانہہ مقامی لوک طلبہ تے سیاحت سنگ منسلک لوک حصو لیں گا قابل ذکر ہے جے اس دوڑ گو مقصد مقامی ثقافت تاریخ تے پائیدار سیاحت نانہہ فروغ دینو ہے۔

DRANG REOPENING

پہلگام حملہ تیں بعد گلمرگ مانہہ سیاحتی مقام ڈرنگ سیاحاں واسطے دوبارہ کھول دتو گیو ہے اس بارے ایم ایل اے گلمرگ فاروق احمد شاہ نے اعلان کیو تے سماجی میڈیا ایکس ور پوسٹ کرگے لیفٹیننٹ گورنر منوج سنہا، وزیر اعلیٰ عمر عبداللہ تے مقامی انتظامیہ گو اس پیش رفت واسطے شکریو ادا کیو۔ اس سیاحتی مقام گا کھلن ور سیاحت سنگ جڑیا بکھ بکھ لوکاں نے خوشی گو اظہار کیو تے اُنہاں نے اس طرح کہیو۔

VVP-II

حکومت نے 124 دیہاتاں غی ترقی واسطے ایک مکمل منصوبو تیار کیو ہے یے دیہات 8 ضلاع غا 43 سرحدی بلاک مانہہ واقع ہیں آکاشوانی جموں غا نمائندہ غے مطابق مرکزی زیر انتظام تے ضلع سطح ور محکماں تے افسراں نانہہ زمے داری دتی گئیں ہیں تے اس غے نال جائیزہ لین آلی کمیٹی وی تشکیل دتی گئیں ہیں یے پروگرام جموں صوبہ غا ضلع جموں سانہہ کٹھوعہ راجوری تے پونچھ نانہہ شامل کرے تے شمالی کشمیر غا بارہمولہ بانڈی پورہ تے کپواڑہ ور مشتمل ہے۔

VEHICLE SCRAPPING

ٹرانسپورٹ بارے سیکرٹری اونی لواسہ نے محکمہ غا اعلیٰ افسراں نانہہ پالیسی نانہہ نافذ کرن غی ہدایت دتی Registered Vehicle Scrapping آکاشوانی جموں غے مطابق اس پالیسی غ و سب تیں بڑو مقصد لوکاں مانہہ آگاہی پیدا کرنو ہے تانجے گڈی گا مالک اس پالیسی تیں فائدو چا سکیں سیکرٹری نے زور دتو کہ پالیسی نانہہ پوری طرح دسیو جے تانجے عام لوک خاص طورور جن غی گڈی پُرانی تے ناقابل استعمال ہیں اس تیں باخبر ویں تے وہ اپنی گڈی اس پالیسی غے ذریعے سکریپ کروا سکیں اس پالیسی غو ہدف 15 سال یا اس تیں زیادہ پُرانی گڈی ہیں۔

ORGANIC HARVEST

ادھمپور ضلع غا گراں چک شترمبل مانہ مالی غی بھرپو بغیر کیمیکل تین فصل نے دسیو کہ سرکاری زرعی سکیمیں تے کساناں غی مدد واسطے پروگرام کتنا کامیاب ہو رہیا ہیں اپنی مولی غی فصل مانہ کھلا واملک راج نے دسیو کہ بغیر کیمیکل غی کھیتی مانہ بہتر پیداوار ہوئی ہے تے اس سنگ کھیتی بارے اعتماد وی بدھو ہے اُنہاں نے اس طرح کہیو۔ ملک راج جیسا کسان جد سرکاری مدد تیں قدرتی فصل تیار کر رہیا ہیں اس وجہ تیں چک شترمبل غی زراعت دوبارہ تیں ترقی کرنی ہے جس سنگ علاقہ مانہ معاشی بہتری تے اُمید پیدا ہوئی ہے اس بارے گل کرتا واں ادھمپور تیں زراعت غا چیف افسر ہرنس سنگھ نے اس طرح کہیو۔

PROG ANN

آکاشوانی جموں غا خبراں آلا شعبہ غی طرفوں خواتین ور ہون آلا تشدد غا خاتمہ بارے بین القوامی تہاڑا 2025 غا سلسلہ مانہ 25 نومبر مانہ دوپہر 12 بجے اک خصوصی مباحثو نشر کیو جائے گو۔ جس غو موضوع وے گو "خواتین ور تشدد مانہ ختم کرنو، بیدارے غے ذریعے اک محفوظ سماج بنانو" 25 ور مبنی اس پروگرام مانہ مہاری مہمان ویں گی جموں کشمیر پولیس مانہ ڈپٹی سپر ٹینڈیٹ فرحت نشاط مہاری اینکر شروتی کھجوریہ اس پروگرام غی میزبانی غا فرائض انجام دیں گی۔

RAMBAN AYUSHMAN

آیوشمان بھارت پردھان منتری جن آرگیا یوجنہ ایک صحت بارے بیمہ سکیم ہے جہڑی ہر گنہہ سال مانہ 5 لکھ روپیہ توڑی غو علاج فراہم کرے۔ آیوشمان کارڈ غی مدد تیں غریب کم آمدنی آلا تے ضرورت مند لوکاں نے سرکاری تے نجی اسپتالاں مانہ مفت تے بغیر کاغزی کاروائی غے علاج حاصل کیو ہے ضلع رام بن مانہ وی لوک اس سکیم تیں فائدو چارہا ہیں یاہ سہولت اسپتال مانہ داخلہ تیں پہلاں تے بعد غا خرچ آپریشن تے سخت بیماریاں غا علاج مانہ وی شامل کرے تے اسپتال مانہ بنا پیسہ تیں علاج مہیا کرے آکاشوانی غا خبراں آلا شعبہ سنگ گل کرتا واں رام بن تیں ایک مستفید روپیش نے اس طرح کہیو۔

WEATHER

اج مقامی موسمیات محکماں نے کہیو ہے کہ آئندہ 2 ہفتاں توڑی مرکزی زیر انتظام علاقہ زیادہ تر موسم خشک رہے گو۔ کئی علاقاں مانہ دھند تے سردی مانہ مزید اضافو ہون غی اُمید ہے آکاشوانی جموں غا نمائندہ غے مطابق اج تیں 1 دسمبر توڑی پورا علاقہ مانہ موسم عام طور ور خشک رہے گو۔ 2 دسمبر مانہ تہاڑی تیں بعد آسمان ابرآلود ہوسکے تے اُچا علاقاں مانہ ہلکی برف باری ہے سکے 3 دسمبر تیں 10 دسمبر توڑی دوبارہ تیں موسم خشک رہن غی اُمید ہے۔

DC RAJOURI CHECKING

ضلع ترقیاتی کمشنر راجوری ابھیشیک شرما نے اج ضلع گا کئی سرکاری دفتراں گو اچانک دوروکیو جت کئی ملازم غیر حاضر پایا گیا ذرائع نے دسیو ہے جے بغیر اجازت گے کل 12 ملازم غیر حاضر پایا گیا جس کا نتیجہ مانہ ڈی سی

موصوف نے کاروائی کی اس کاروائی غے تحت اُنہاں نے حکم دتو جے مزکورہ
ملازمین غی اک دن غی تنخواہ کٹی جائے تے اُن غے خلاف کاروائی عمل مانہہ
لیائی جے اُنہاں نے تمام محکماں گا سربراہاں نانہہ ہدایت دتی ہے جے تمام ملازمین
غی حاضری یقینی بنائی جے تے کہیو جے یاہ کاروائی آئندہ تہاڑاں مانہہ وی جاری
رہ غی۔
